

ANIJ EJ OŊAKE AIKUJ KO AN ISRAEL

Köttöpar ko an katak in:

- Kwaļok bwe Anij e kajoor im E maroñ kōmman aolep men.
- Kwaļok bwe e nana ñe armej re jab tōmak Anij.
- Kwaļok bwe armej re bane elōñ men - elaptata lomoḡor.
- Kwaļok bwe Anij e jouj, im Ej oŋake aikuj ko an armej meñe rej patkake.

Melele ko relap ilo katak in:

- Jen lo bwe Anij ej yokwe armej, im E meanwōd ippaer.
- Jen lo bwe e mōkaj an armej meļokļok men in jouj ko an Anij.
- Jen lo bwe je maroñ lōke Anij.
- Jen lo bwe ejjeļok an armej maroñ ñan lomoḡoren er make.

Emōj an Anij kwaļok An kajoor elap ñan lomoḡoren Israel ilo elōñ wāween. Ear man maanje ro nejin ri Ijpt im lomoḡoren ro ri Israel kōn bōtōktōk. Kab, Anij ear lomoḡoren ri Ju ro jān ri Ijpt kōn An kōjepel Lomaļo e Būrōrō. Ro ri Israel raar maroñ make kōmmani men kein ke? Jaab, re bane, ak Anij ear maroñe! Jej ba wōt bwe ri Ju ro renaaj kar mōkaj in tōmak E kōn aolep men. Bōtab, e jab to im raar jino aer lotaan. E lak waļok juon apañ innām rej joļok aer tōmak.

1. Ri Ju ro raar lotaan bwe ejjeļok mōñā.



Exodus 16:2,3 Im aolepen jar an ro nejin Israel raar lotaan Moses im Aron i āne jemaden. Im ro nejin Israel raar ba ñan erro, “Enaaj kar emman eļaññe kōm ar mej kōn pein Jeova ilo āneen Ijpt, ke kōm ar jijet iturin ainbat in kanniōk ko, ke kōm ar mōñā pilawā im mat, bwe koḡro ar kadiwōjtok kōm ñan āne jemaden in, bwe koḡwin man aolepen jar in kōn nūta.”

Āne jemaden eo im ri Ju ro raar pād ie ear bok wōt. Ekar ejjeļok wōjke, menninmour, ak dān. Armej ro raar jab maroñ kakidudu, madmōd, ak kōb juon aeboj laļ bwe ren mour. Raar bane āne jemaden eo. Raar aikuj reiļok wōt ñan Anij im lōke E wōt ñan lomoḡoren er.

Meñe Anij ear lomoḡoren ro ri Israel jān ro ri Ijpt, re jañin lukkuun lōke E.

- Raar lotaan ñae Moses im Aron.
- Ren kar lōke Irooj bwe En leļok mōñā ñan er.

Raar jab maroñ make lo mōñā jab dewōt jikin. E kar ejjeļok mōn wia ie! Ear jab juon jikin ijo elōñ men in eddek ie. Anij ear kōḡaan bwe ro ri Israel ren jeļā bwe E wōt E maroñ jipañ er.

Āindein kōn lomoḡor. Anij e kōḡaan bwe jen kile ad ban im bwe E wōt E maroñ lomoḡoren kōj jān kaje eo an jerowiwī.

* **Armej rej ri jerowiwī. Ej aikuj Anij bwe e jab maroñ make lomoḡoren e.**

2. Jeova Anij ear kallimur in leļok mōñā ñan er.



Exodus 16:11,12 Im Jeova ear kōnono ñan Moses im ba, “Iar roñjake lotaan ko an ro nejin Israel. Kwōn kōnono ñan er im ba, ‘Ñe e jota koñnaaj mōñā kanniōk, im ñe e jibboñ koñnaaj mat kōn pilawā, im koñnaaj jeļā bwe Ña Jeova, ami Anij.’”

* **Anij e kajoor jān aolep.**

Meñe Moses im ro ri Israel raar jab maroñ make oñake aikuj eo im lo mōñā, Anij ear maroñ. Ejjeļok men E bane.

* **Anij e jouj im emman.**

E jab tellokun Israel bwe Anij ej jipañ er. Raar patkake An jouj, bwe raar ri jerowiwu me raar jumae Anij im jab lōke E elōñ katen. Bōtab, ilo An jouj, meñe Ear jab aikuj in kōmmane, Ear kallimur in leļok mōñā ñan er.

- E jakkar bwe jabdewōt en bōk jouj im tūriaṃo jān Anij.
- Ekkar bwe jen aolep mej indeeo.

3. Anij ear leļok mōñā ñan ro ri Israel.




Exodus 16:13-15 Im ke e jota, bao kwel ko raar itok im kalibubu jikin aer kajutak em nuknuk ko aer, im ke e jibboñ ewor mōļowu iturin jikin kajutak em nuknuk ko. [14] Im ke mōļowu eo e kar pād ioon āne e jako, lo, ioon mejān āne jemaden, juon men e doulul im niñ, āinwōt frost e mouj ioon bwidej. [15] Im ke ro nejin Israel raar loe, raar ba ñan doon, “Ta men in?” Bwe re jaje ta eo. Im Moses ear ba ñan er, “Men in pilawā eo Jeova ear lewōj kijōmi.”

Men eo im armej re bane, Anij e maroñe. Anij wōt ear maroñ in naajdik ri Ju ro. Jej lo ruo men ikijjien kadjadin Anij.

Juon, Anij wōt ewor An maroñ in loṃoṃor. Eļaññe Anij ear jab jebal innām ri Ju ro renaaj kar mej ilo āne jemaden. Eļaññe Anij ear ejab jilkintok Nejin innām jenaaj kar mej indeeo.

Ruo, Anij e jouj. Ri Ju ro raar kajjitōk jipañ ippān Anij ke? Raar jar ñan E ke? Re kar jab. Raar ellotaan. Bōtab, Anij ear jipañ er.



Ekkar bwe Anij en ekajet im man ri Ju ro. Bōtab ear kōmman ta? Ear naajdik er. Ear ukōt aer nana kōn jouj! Anij ej kōmman ejja men in wōt ñan kōj ilo raan kein. Kōj ri nana. Joñan an lap ad rupe kien Anij, je ban bwini. Ekkar bwe Anij en ekajet kōj. Ekkar bwe jen mej indeeo. Bōtab Anij ear kōmman ta?



Rom 5:8 A Anij ej kwaļok kadjadin An yokwe ñan kōj ilo men in, ke jaar ri jerowiwu, Kraist ear mej kōn kōj.

Ke Adam im Iv raar jerowiwī n̄ae Anij im raar jepel j̄an E, raar kajjioñ in make kōmman aer nuknuk. E kar bwe ke? E kar jab. Innām Anij ear kōmman nuknuk me e bwe.

Wōn ear kōmman juon wāween bwe Ebel en maroñ kabuñbūruon Anij? Anij wōt.
Wōn ear kōjjeļāik Noa kōn ekajet eo im kōmman juon wāween bwe en mour? Anij.
Anij, ilo An jouj, ear kūr Ebrean ke baamle eo an ear kabuñ ñan ekjab.
Anij, ilo An jouj, ear kajutak Josep im peke aolep men bwe en jab jako ro ri Israel ilo iien ñūta.
Anij, ilo An jouj, ear lōmoḡoren ro ri Israel j̄an Ijpt ke raar jab maroñ make kōtļok er.



Exodus 16:35 Im ro nejin Israel raar ḡōñā j̄an manna iuḡwin 40 iio, ḡae iien eo raar tōpar juon āne ijo armej rej jokwe ie; raar ḡōñā manna ḡae iien aer tōpar tōrerein āneen Kenan.

J̄an iien in im etal, Anij ear leļok manna ñan ro ri Israel ke raar pād ilo āne jeḡaden eo. Anij e tiljek. Je maroñ lōke E bwe Enaaj kōjparok naan ko An.

4. Ri Ju ro raar lotaan bwe ejjeļok aebōj.

Meñe ro ri Israel raar ḡōñōñō kōn ḡōñā ko me Anij ear litoki, e ḡokaj aer meļokļok kōn kajoor eo An, im raar jino in bar lotaan.



Exodus 17:1-4 Im aolepen jar an ro nejin Israel raar etal j̄an āne jeḡaden in Sin, ilo etetal ko aer, ekkar ñan kien Jeova, im raar kajutak ḡōn kōppād ko i Repidim, ak ejjeļok limen armej rañ. [2] Kōn men in, armej ro raar akwāāle Moses im ba, “Kwōn letok dān bwe kōmin idaak.” Im Moses ear ba ñan er, “Etke koñij akwāāle eō? Etke koñij mallejoñ Jeova?” [3] Im armej ro raar maro ijo, im armej ro raar lotaan Moses im ba, “Etke kwaar āñintok kōm j̄an Ijpt, bwe kwōn ḡan kōm im ro nejim, im menninmour ko nejom kōn maro?” [4] Im Moses ear kūr ñan Jeova im ba, “In kōmman ta ippān armej rein? Re nañin pojak im kade eō kōn dekā.”

E ban to an armej mour eļaññe ejjeļok dān. Armej rein raar mijak ñe ab renaaj mej. Moses ear maroñ in leļok limeir dān ke? Ear jab. Anij wōt ear maroñ jipañ er im oñake aikuj eo aer.

Iuḡwin 400 jima year ri Ju ro raar eñtaan iuḡwin pein Pero. Raar jar ñan Anij bwe en lōmoḡoren er, im Ear lōmoḡoren er. Ke raar pād iḡaan Lomaļo e Būrōrō, Anij ear kapellok lomaļo eo im kōmman juon iaļ ñan er. Ke ro ri Ijpt raar lukwarkwar er, Anij ear ḡan ri Ijpt ro. Ke raar kwōle, Anij ear leļok manna ñan er j̄an lañ. E lukkuun ḡokaj an ri Ju ro meļokļok jouj im kajoor an Anij.

Etke Anij en jipañ er? Rej patkake An jouj, im āindein kōj. E jakkar bwe Anij en letok lōmoḡor. Ej men in jouj wōt.

5. Jeova ej leļok aebōj ñan ro ri Israel.


* **Anij e jouj im eḡman.**

* **Anij e kajoor jān aolep.**

Anij ear jab likūt ro ri Israel bwe ren mej kōn aer maro. Ear oņake aikuj eo aer, meņe re nana, kōnke E jouj, yokwe, im tūriamo.



Exodus 17:5,6 Im Jeova ear ba ñan Moses, “Kwōn etal iṃaan armej raņ, im āñin iṃpaṃ jet iaan rūtto ro an Israel, im kwōn bōke ilo peōṃ jokoṇōṃ, eo kwaar deñļoke river eo kake, im kwōn ilok. Lo, Inaaj jutak iṃaaṃ ijo, ioon dekā eo ilo Horeb, im kwōnaaj deñļoke dekā eo, im dān enaaj waļok jān e, bwe armej ro ren idaak.” Im āindein an Moses kōṃṃan iṃaan mejān rūtto ro in Israel.



Elmān an kar Anij leļok limaer dān? Ear kōṃṃan bwe en wōt ke ta? Ear ba bwe ren kōb juon aebōj laļ ke? Anij ear leļok dān ñan er kōn juon wāween e kabwilōñlōñ. Joņan an kabwilōñlōñ, ejjeļok kajjitōk bwe Anij wōt ear kōṃṃane.

Ejjeļok armej e maroñ kōṃṃan bwe dān en tōṇ jān juon dekā kōn an deñōte. Anij ear kōṇaan katakin ri Ju ro bwe er ri ban, im bwe E wōt e maroñ lōṃṃoren er.

Ejej ir jān kōj ilo raan kein. Je bane wānōk. Ejjeļok juon men je maroñ kōṃṃane bwe en jako ad jerōwiwi im bwe jen wānōk iṃaan mejān Anij. Anij ej aikuj kōṃṃane juon men in kabwilōñlōñ bwe jen erreō jān jerōwiwi ko ad. Anij wōt e maroñ kōṃṃan bwe jen wānōk im bwe jen mour indeeo. Ewi men in kabwilōñlōñ eo? Jijej Kūrai, Rū Wānōk, ear mej kōn kōj, ri jab wānōk!!

* **Armej re maroñ kepaak Anij ilo wāween an Anij ba wōt.**

Moses ear aikuj in kōṃṃane men eo Anij ear ba. Aolep iien, ke raar iioon juon men e pen me raar bane, Anij ear kōnnaanōk er ta eo ren kōṃṃane.

Anij e jab likūt bwe jen make lōṃṃak kōn juon wāween ko jān iuṃwin kajoor an jerōwiwi im Setan. Ej kwaļok kōn iaļ eo An im men eo Ej kōṃṃane.

Kab, armej in Israel raar jab jeral bwe ren bōk dān in. Raar jab wiaiki. Ear men in jouj jān Anij - āinwōt lōṃṃor. Je jab maroñ ba bwe ekkar bwe Anij en joļok ad bōd. Ejjeļok eṃṃan ilo kōj (Rom 3:12). Je jab maroñ kōļļā oņean lōṃṃor. Lōṃṃor ej juon men in letok, juon gift, jān Anij. Ejakkar bwe jen bōke, bwe jej ri nana, ak Anij ear kōļļā oņean kadede. Men eo wōt, jej aikuj tōmak Anij. Tōmak ta? Tōmak Anij ke Ej ba bwe kōj ri nana im bane wānōk. Kab, tōmak Anij ke Ej ba bwe lōṃṃor ej men in jouj im bwe mej an Jisōs e bwe ñan kōļļā oņean jerōwiwi ko ad.

Kajjitōk ko

1. Anij enaaj kowānōk ri aelōñ ko kōn ta?

2. Etke ri Ju ro raar ellotaan ilo jinoin?
3. Men in ej kwaḷōk ta kōn kōj armej?
4. Elmān an Anij kabwe aikuj eo aer?
5. Raar maroñ make kabwe aikuj eo aer ke?
6. Etke ri Ju ro raar ellotaane Anij alen eo kein ka ruo?
7. Elmān an Anij oṅake aikuj eo er?
8. Anij en kar jouj ñan ri Ju ro ke?
9. Etke Anij ear jouj ñan er?
10. Ekkar bwe Anij en ɔmɔɔren kōj?
11. Elmān an Anij ɔmɔɔren kōj?